



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Udruženje međunarodnih špeditera

710000 SARAJEVO, Branislava Đurđeva 10

Tel: (+387 33) 566 174, Fax: (+387 33) 566 176

e-mail: sped@komorabih.ba, www.komorabih.ba

- Odbor Udruženja -

PRILOG 30.4.2.

Broj: 03-03-4-606-5/23

Sarajevo, 13. 6. 2023. godine

Na osnovu člana 17. Poslovnika o radu Odbora Udruženja međunarodnih špeditera, Odbor Udruženja na svojoj 30. sjednici, održanoj dana 12. 6. 2023. godine, jednoglasno je usvojio sljedeći:

ZAKLJUČAK

I

„Objedinjeni spisak“ broj: 03/3-18-4-47-443-5/15 od 31. 3. 2015. godine je objavljen na web stranici Uprave za indirektno oporezivanje BiH, kao predmet opće upotrebe, te potpune i vrlo kvalitetne informacije. U posljednjem stavu predmetnog dokumenta se navodi da će organi Uprave, u skladu sa promjenama u Carinskoj tarifi sačinjavati prečišćen tekst i ažurirati tarifne oznake u Objedinjenom spisku. Međutim, pomenuti dokument nikada nije ozvaničen kao Odluka, Naredba ili Upustvo od strane Uprave, a iz svega prethodno navedenog, nesmetano ga možemo smatrati zvaničnim dokumentom izdatim od strane Uprave.

Na terenu i svakodnevnom poslovanju svjedoči se selektivnoj primjeni od strane carinskih ispostava i referata, na cijeloj teritoriji BiH. Pojedini uredi, odnosno carinski službenici ga smatraju validnim dokumentom i rukovode se njime, dok ga ostali službenici (čak i unutar istog regionalnog centra, carinske ispostave i/ili referata) smatraju apsolutno neobavezujućim dokumentom. Dešava se da ga carinski službenici smatraju „orijentacionim“ dokumentom.

Isto se dešava i sa inspekcijskim organima koji selektivno primjenjuju Objedinjeni spisak, insistirajući na dosljednoj primjeni ili ga uopće ne uvažavajući.

Selektivna primjena i neujednačeni kriteriji na cijeloj teritoriji BiH, uzrokuju zabunu i nezadovoljstvo svih učesnika u poslovanju (uvoznici, špediteri, prijevoznici). Istovremeno, neujednačeni kriteriji i nejasno utvrđena pravila (ne)primjene Spiska, pogoduje spekulativnim metodama, nelegalnim i koruptivnim radnjama.

Traži se od Uprave da se očituje i dostavi odgovor u smislu da li je Objedinjeni spisak obvezujući i da li se primjenjuje na cjelokupnom carinskom području Bosne i Hercegovine. Jasan i nedvosmislen stav Uprave će u velikoj mjeri pojednostavniti proces obavljanja carinskih formalnosti.

II

Uzevši u obzir „Naredbu o nadležnosti carinskih ispostava za carinjenje određenih roba porijeklom iz azijskih i afričkih zemalja“, Odbor je mišljenja da je potrebno preispitati i utvrditi validnost i potrebu daljeg

sprovođenja Naredbe, i to posebno zbog činjenica da je ista donesena 2015. godine i primjenjuje se već osam godina. Ne ulazeći u realnost i provedivost pojedinih članova Naredbe, ista je, u velikoj mjeri izazvala ozbiljne i zahtjevne promjene i potrebu prilagođavanja špedicija. Iako se različito tumači od strane carinskih službenika (npr. kod primjene izuzeća od Naredbe, pojmovi originalne robe, brendirane robe, veliki trgovinski lanci i slično), Naredba se u cjelosti vrlo revnosno, i u potpunosti primjenjuje. Naredba je polučila određene i konkretne rezultate i uredila aktivnosti i carinske formalnosti sa robama azijskog i afričkog porijekla. Ipak, Odbor je mišljenja da je Naredba po svom osnovnom značenju obavezujući akt kraćeg vremenskog perioda i kao takva nikada nije prerasla u zakonodavni-pravni akt. Također, Odbor je mišljenja da je Naredba već zastarjela i gubi svoj smisao, posebno u svijetlu primjene Zakona o carinskoj politici BiH i Odluci o provedbenim propisima, kao i novim uvjetima na svjetskom tržištu. Odbor i dalje zagovara i smatra potrebnim primjenu najstožijeg modula selektiviteta i pored dokumentarnog i fizički pregled robe azijskog i afričkog porijekla - bez izuzetka.

Iz svega prethodno navedenog, traži se da razmotrite daljnju validnost i potrebu primjene predmetne Naredbe, kao i njenih izmjena i dopuna.

II

Zadužuje se sekretar Udruženja i rukovodstvo Vanjskotrgovinske komore BiH za daljnje postupanje po ovom Zaključku, a u skladu sa aktima Vanjskotrgovinske komore BiH i Udruženja.

Predsjednik Odbora Udruženja:

Zvonko Šušak s.r.